

Na osnovu odredaba Zakona o ministarskim, vladinim i drugim imenovanjima Federacije Bosne i Hercegovine («Sl. novine Federacije BiH» br.12/03, 34/03 i 65/13), i Zaključka Vlade Unsko-sanskog kantona, broj:03-017-1405/2017 od 28.09.2017.godine, Ministarstvo zdravstva, rada i socijalne politike Unsko-sanskog kantona

PONIŠTAVA

Javni oglas za izbor i imenovanje članova upravnih odbora zdravstvenih ustanova Unsko-sanskog kantona, objavljen u "Službenim novinama Federacije BiH" broj: 59/17 i dnevnim novinama "Oslobođenje" od dana 03.08.2017.godine. Poništava se i dio Javnog oglasa, objavljen u "Službenim novinama Federacije BiH", broj: 45/17 i dnevnim novinama "Oslobođenje" od dana 16.06.2017.godine, koji se odnosi na ZU Zavod za javno zdravstvo Unsko-sanskog kantona

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine («Sl. novine Federacije BiH» br.12/03, 34/03 i 65/13) i Odluke o kriterijima za nominiranje/imenovanje članova upravnih odbora zdravstvenih ustanova u vlasništvu Unsko-sanskog kantona ("Službeni glasnik Unsko-sanskog kantona", broj:7/17) i Odlukama o izmjeni Odluke o kriterijima za nominiranje/imenovanje članova upravnih odbora zdravstvenih ustanova u vlasništvu Unsko-sanskog kantona, broj:03-017-1034/2017 od 01.06.2017.godine i broj: 03-017-1178/2017 od 20.07.2017.godine, te Zaključka Vlade Unsko-sanskog kantona, broj: 03-017-1254/2017 od 01.08.2017.godine, broj: 03-017-1276/2017 od 15.08.2017.godine, broj: 03-017-1279/2017 od 15.08.2017.godine i broj:03-017-1405/2017 od 28.09.2017.godine, Ministarstvo zdravstva, rada i socijalne politike Unsko-sanskog kantona, ponovno raspisuje

JAVNI OGLAS

ZA IZBOR I IMENOVANJE ČLANOVA UPRAVNIH ODBORA ZDRAVSTVENIH USTANOVA NA PODRUČJU UNSKO-SANSKOG KANTONA

- ZU Kantonalna bolnica "Dr.Irfan Ljubijankić" Bihać
- ZU Opća bolnica Sanski Most
- ZU Lječilište "Gata" Bihać
- ZU Zavod za javno zdravstvo Unsko-sanskog kantona
- ZU Dom zdravlja: Bihać, Bužim, Bosanska Krupa, Ključ i Sanski Most
- ZU Gradska apoteka: Ključ, Bužim, Sanski Most i Bosanska Krupa

1.) Upravni odbor-opće odredbe

Upravne odbore svih zdravstvenih ustanova čini pet (5) članova i to predstavnici:

- osnivača - tri (3) člana, od kojih jedan (1) mora biti ispred Kantonalnog ministarstva zdravstva,
- stručnih radnika zdravstvenih ustanova - dva (2) člana od kojih jedan (1) mora biti iz reda zdravstvenih radnika.

Upravne odbore imenuje Vlada Unsko-sanskog kantona na period od (4) četiri godine. Nadležnosti upravnih odbora zdravstvenih ustanova propisane su Zakonom o zdravstvenoj zaštiti, podzakonskim aktima i Statutom ustanove.

2.) Uvjeti za imenovanje

Svaki kandidat za člana upravnog odbora zdravstvene ustanove mora ispunjavati slijedeće uvjete:

a) Opći uvjeti:

- da je državljanin Bosne i Hercegovine;
- da je stariji od 18 godina;
- da nije otpušten iz državne službe kao rezultat disciplinske mjere, na bilo kojem nivou vlasti u Bosni i Hercegovini u razdoblju od 3 (tri) godine prije dana objave upražnjene pozicije;
- da se na njega ne odnosi član IX 1. Ustava Bosne i Hercegovine, tj. da nije pod optužnicom od strane Međunarodnog tribunala za bivšu Jugoslaviju;

b) Posebni uvjeti:

- da ima najmanje završen VI stepen stručne spreme, odnosno višu školu ili stečeno zvanje Bachelora sa ostvarenih 180 ECTS studijskih bodova pravnog, ekonomskog, zdravstvenog ili društvenog usmjerenja;
- da ima najmanje jednu godinu radnog iskustva na poslovima svog stručnog naziva, odnosno poslovima iz djelatnosti zdravstvene ustanove;
- da ima stručno znanje iz djelatnosti zdravstvene ustanove, te da je upućen u sadržaj i način njenog rada;
- da nije direktor zdravstvene ustanove ili privatne prakse, koja je u ugovornom odnosu sa zdravstvenom ustanovom u čiji se upravni odbor kandiduje;
- da nema privatni ili finansijski interes u zdravstvenoj ustanovi;
- da nije član više od jednog upravnog odbora niti jedne ustanove, odnosno drugog pravnog subjekta;
- da nije izabran zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH;
- da nije član upravnog, izvršnog ili drugog organa političke stranke;
- da se protiv njega ne vodi krivični postupak.

3.) Dokazi:

Kandidati koji konkurišu za člana upravnog odbora zdravstvene ustanove dužni su, u prijavi na ovaj oglas koja treba da sadrži kraću biografiju, adresu i kontakt telefon, *naznačiti u koji upravni odbor se kandiduju i ispred kojeg reda predstavnika se kandiduju*, priložiti *originalne dokumente ili ovjerene fotokopije dokumenata i ovjerene izjave* kao dokaz o ispunjavanju općih i posebnih uvjeta traženih ovim oglasom i to:

- uvjerenje o državljanstvu(ne starije od šest mjeseci od dana izdavanja);
- uvjerenje od poslodavca da nije otpušten iz državne službe kao rezultat disciplinske mjere u periodu od tri godine prije objavljivanja oglasa, a izjava ukoliko u tom periodu nije bio u radnom odnosu;
- izjava kandidata da se na njega ne odnosi član IX.1.Ustava BiH, tj. da nije pod optužnicom od strane Međunarodnog tribunala za bivšu Jugoslaviju;
- diplomu o završenom VI stepen stručne spreme, odnosno višoj školi ili stečenom zvanju Bachelora sa ostvarenih 180 ECTS studijskih bodova pravnog, ekonomskog, zdravstvenog ili društvenog usmjerenja;
- uvjerenje/potvrda poslodavca o radnom iskustvu sa kratkim sadržajem opisa posla koji se obavlja (obavljao) i vremenu provedenom na radu;
- izjava kandidata da nije direktor zdravstvene ustanove ili privatne prakse, koja je u ugovornom odnosu sa zdravstvenom ustanovom u čiji se upravni odbor kandiduje;
- izjava kandidata da nema privatni ili finansijski interes u zdravstvenoj ustanovi/ zdravstvenim ustanovama, u čiji se upravni odbor kandiduje;
- izjava kandidata da nije član više od jednog upravnog odbora niti jedne ustanove, odnosno drugog pravnog subjekta;
- izjava kandidata da nije izabran zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti BiH;
- izjava kandidata da nije član upravnog, izvršnog ili drugog organa političke stranke;
- uvjerenje da se protiv kandidata ne vodi krivični postupak izdato od strane nadležnog suda

(ne starije od tri mjeseca od dana izdavanja).

Posjedovanje stručnog znanja iz djelatnosti zdravstvene ustanove, odnosno upućenost u sadržaj i način njenog rada, utvrđivat će se na intervjuu.

4.) Naknada za rad

Član Upravnog odbora ima pravo na naknadu za svoj rad.Naknada se isplaćuje iz sredstava zdravstvene ustanove, u visini koju je utvrdio nadležni organ.

5.) Ostalo

Prijave sa traženim dokumentima se dostavljaju lično ili preporučenom poštom na sljedeću adresu: Vlada Unsko-sanskog kantona - Komisija za izbor, UL.Alije Đerzeleza br.6.Bihać, sa naznakom na koverti u koji upravni odbor se kandiduju:

"Prijava na javni oglas za člana upravnog odbora ZU: _____ ne otvaraj".Na poledini koverta potrebno je napisati ime i prezime i adresu podnosioca prijave.

Prijave koje ne sadrže propisano iz ovog oglasa, kao i prijave podnesene istekom roka utvrđenog u ovom oglasu, odbacit će se kao nepotpune, odnosno neblagovremene, te se kao takve neće uzeti u razmatranje.

Sa kandidatima koji uđu u uži izbor Komisija će obaviti intervju.

Ukoliko se jednom prijavom kandidai prijavljuju u više zdravstvenih ustanova, potrebno je priložiti samo jednu kompletnu dokumentaciju.

Oglas ostaje otvoren 15 dana od posljednjeg objavljivanja, a isti će biti objavljen u «Službenim novinama Federacije BiH» i dnevnim novinama "Oslobođenje".